



Naturvernforbundet i Trøndelag

Trondheim, 03.06.22

Norges vassdrags- og energidirektorat
uttalelse@nve.no

Høyringsfråsegn til ny 132 kV kraftleidning Åfjord-Eide.

Naturvernforbundet ønsker med dette å følgje opp vårt fråsegn frå 20.09.2020 med våre vurderingar og tilføyinger.

Me ser at Tensio TS held fast på sine planar om kraftlinje. Det blir grunngjeve at det er økt straumforbruk og leveringssikkerheit som er årsaka til at dei ønsker denne utbygginga.

I førre fråsegn la me i Naturvernforbundet fram mange problem som ein må tenke på ved ei slik utbygging, blant anna at ein må vise omsyn for Hildremsvatnet naturreservat med tanke på isoleringa eit tiltak som den nordlege trasen vil føre med seg. Som kommentar til denne bekymringa så fekk me i «Bakgrunn for utredningsprogram 132 kV kraftledning Åfjord-Eide og Eide transformatorstasjon» følgande kommentar frå Tensio TS: «Vurdering av barriereeffekten vil få en sentral plass i KU og bli grundig vurdert der». Barriereeffekten er ikkje nemnt i KU for delområde Hildremsvatnet, eller nokon anna plass me kan sjå.

Me ønsker at Tensio TS følger opp behovet for ei grundig vurdering før ein kan gå vidare med vurderingane rundt delområdet, dette har dei sjølv sagt skulle vere på plass i konsekvensutgreiinga (KU).

Me vil og vise til fråsegnet vårt frå 20.09.2020 i sin heilheit da den står seg også i dagens situasjon.

Kraftlinjetrasear.

For kraftlinjetraseane som det blir søkt om så vil store områder bli råka både i form av natur øydeleggingar og landskap.

Me ser at i KU, fagrappart landskap, at delområde «Storheia vindpark» blir plassert i verdikategori «utan betydning» ut ifrå at området er sterkt prega av inngrep frå vindkraftanlegget. Dette blir feil, grunngjevinga kjem under.

I KU «fagrappart naturmangfold» blir det nemnd at eksisterande inngrep i form av Storheia vindkraftverk kan virke formildande, da området allereie er påverka av utbygging.

Det er uheldig at Storheia vindkraftverk gjentatte ganger blir tatt med inn i nullalternativet. Utredningsprogrammet legg opp til at ein skal vise omsyn til eksisterande inngrep i landskapet, dette blir feil med tanke på vindkraftverket. Grunnen til dette er først og at anlegget må fjernes sidan anlegget er bygd med

ein ulovleg konsesjon. Högsterett erklærte i oktober 2021 at Storheia vindkraftverk bryt med samanes lovfesta rett til kulturutøving. Storheia vindkraftverk har også berre søkt om tillating for anlegget ut 2045. Ved nedlegging av vindkraftverket skal anlegget fjernes og ein skal tilbakeføre området til sin naturlege tilstand så langt det lar seg gjera.

Eit null-alternativ kan dermed ikkje ta utgangspunkt i at området har inngrep, da det skal være tilbakeført til opphavleg tilstand etter konsesjonsperioden. Ein samla belastning frå både foreslått kraftlinje og eksisterande vindkraftanlegg vil være ei økt belastning for sårbart dyreliv som sjølvsagt må vektleggast, men ein kan ikkje inkludere vindkraftverket i null-alternativet.

Alternative trasear.

Tensio TS hadde tidlegare med forslag til trasear som gjekk lengre sør som i mykje større grad følgde eksisterande infrastruktur, enten i form av eksisterande eller allereie vedtatte kraftlinjer eller vegar.

Disse traséane vil derfor gi ein mindre effekt på naturmangfaldet. Denne infrastrukturen vil ikkje gå ut på konsesjon, og ved å legge kraftlinja der så vil det ha ein formildande effekt da områda allereie er påverka av utbygging. For å oppnå denne effekten er det viktig å knytte det tett opp mot veg- og linjenettet.

Kraftlinjas ringverknader.

Med dagens standardvilkår for anleggskonsesjonar for vindkraftverk blir det presisert at «Ledig nettkapasitet skal dokumenteres før utbygging av vindkraftverket igangsettes.» Det er derfor lett å tenke seg at når det blir lagt opp ei ny kraftlinje med god kapasitet så vil det auke presset på kraftutbygginga i området. Kraftlinja kan derfor legge sterke press på natur og næringsaktørar som allereie har vanskelege kår. Kraftsituasjonen kan løysast på andre måtar, som blant anna å redusere behovet for energi.

Naturvernforbundet i Trøndelag ser at nye vurderingar må til i alle konsekvensutgreiingar der Storheia vindkraftverk har blitt tatt med som ein del av null-alternativet.

Ein må og grundig utgreie og vurdere konsekvensane av isolering av Hildremsvatnet naturreservat.

Med venleg helsing

Naturvernforbundet i Trøndelag



Magne Vågsland, leder

